



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1566 usque ad annum 1572

Fleury, Claude

August. Vind. [u.a.], 1772

VD18 90118634

§. 100. Spifamius Genevam cum adultera profugus, eique incæstis nuptiis
junctus.

[urn:nbn:de:hbz:466:1-67213](https://nbn-resolving.org/urn:nbn:de:hbz:466:1-67213)

quisitionum tribunali Præses, necnon ^{Sæcul. XVI.} libellorum supplicum Magister, ac de- ^{A. C. 1567.} nique secretioris Senatus Consiliarius nominabatur. Omnibus hisce muneribus auctus tantam ingenii aciem, atque eruditionis ubertatem præseferabat, ut sacræ militiæ adscriptus nullam percurreret dignitatem, quæ meritum famam, quam sibi comparaverat, superaret: igitur ex Canonico Parisiensi, atque Universitatis Cancellario apud Senones Abbas sancti Pauli, necnon generalis Lotharingii Cardinalis Rhemenfis Archiepiscopi Vicarius creabatur, qua dignitate insignitus ab Henrico II. Rege ad Nivernensem Episcopatum nominatus est, cujus Ecclesiæ possessionem Anno reparatæ salutis millesimo quingentesimo quadragesimo octavo accepit. Hæc munia obibat Spifamius usque ad annum Incarnationis Dominicæ millesimum quingentesimum quinquagesimum nonum, quo Parisiensis Senatus de perversis hujus Viri moribus, ac perniciosis ejusdem doctrinis edoctus illum comprehendi jussit.

§. C.

Spifamius Genevam cum adultera profugus, eique incestis nuptiis junctus.

M 2

Præ-

Sæcul. XVI.
A.C. 1567.

Præcipua suæ a vera fide defectionis
caussa exstiterat nefandum carnis
commercium, quo sese polluebat cum
Catharina Gasperna, quæ Parisiensis ca-
stellanæ Curia Procuratori, nomine
Stephano Greslio erat matrimonio jun-
cta: porro hic idem Procurator obie-
rat anno Domini millesimo quingente-
simo trigesimo nono: Spifamius vero hu-
jus viduæ societate abutebatur, per-
inde acsi ejusdem Maritus existeret,
unde etiam ex sacrilego hoc commer-
cio filium nomine Andream, qui ta-
men hujus Procuratoris Filius a vulgo
reputabatur, necnon filiam nomine An-
nam suscepit, quæ nonnisi post Stephani
Greslii obitum primam lucem aspex-
rat: igitur Spifamius nonnisi anno post
Christum natum millesimo quingente-
simo quinquagesimo nono Franciam,
suumque Episcopatum reliquit, unacum
pellice sua Genevam secessurus, ubi
etiam adventans hæreticorum ritu ean-
dem hanc foeminam connubio sibi co-
pulabat, id permittente Senatu tam
Ecclesiastico, quam profano: insuper
sese Passium nominari voluit, eo quod
ex hujus nominis progenie ortum du-
xisset: ex nobili enim prosapia descen-
dens origine Lucensis erat; postea au-
tem ejus familia Parisiis domicilium
figebat anno Salvatoris nostri millesimo

tre-

trecentesimo quinquagesimo, dum Bartholomæus Spifamius vivebat, ex quo omnes hujus nominis posterius, necnon Bisseonii, Grangii, & Passii ortum ducebant. Jacobus Spifamius, cujus nunc meminimus, Patrem habebat Spifamium Passium, qui Regi ab epistolis insuper pro belli sumptibus ærarii Præfectus præter morem nominatus erat, ejus autem Mater fuerat Jacobetta Ruzza, quæ Jacobum ex quinque Filiis postremum progenuit.

Sæcul. XVI.
A.C. 1567.

§. CI.

Insulsa hujus Apostatæ consilia.

Postmodum Spifamius Genevæ una cum sua familia honeste vivebat, nam ibi, eo quod secum multas divitias attulisset, se tanquam Nobilem gerebat, amplasque eleemosynas elargiebatur, qua liberalitate multos sibi conciliabat amicos, ac Senatorum, qui in variis negotiis ejus consilia exquirebant, confidentiam sibi attrahebat: moram autem, quam Genevæ trahebat, frequenter diversis interrompebat itineribus, quæ suscipere cogebatur, præcipue in Germaniam, quo eum Condæus ablegabat, ut belli ab hoc Principe contra Regem suum suscepti æquitatem vendicaret: ibidem Spifamius quatuor divulgabat literas a Catharina Medicæa Regi-

Spon. t. 2.
l. 3. p. 115.